



COMUNE DE ROMANA

PROVÌNTZIA DE TÀTARI

DECRETU N. 6 DE SU 20.10.2020

OGETU: NÒMINA DE SA SEG. VALERIA SOLE, ASSESSORE COMUNALE

SU SÌNDIGU

PREMÌTIDU chi in sas dies 25 e 26 de santugaine de su 2020 bi sunt istadas sas votatziones pro s'elezione dereta de su Sìndigu e de su Consìgiu comunale,

BIDU su D.Lgs 18 de austu de su 2000, n. 267, e in particolare sos articulos sighentes:

Artìculu 46 – Eletzione de su Sìndigu e de su presidente de sa provìntzia – Nòmina de sa giunta

[...] 2. Su sìndigu e su presidente de sa provìntzia numenant, in su rispetu de su printzìpiu de oportunitade paris tra fèminas e òmines, garantende sa presèntzia de ambos sos sessos, sos cumponentes de sa giunta, tra sos cales unu vitzesìndigu e unu vitzepresidente, e nde dant comunicatzione a su consìgiu in sa prima setziada imbeniente a s'elezione. [...]

Artìculu 47 – Cumpositzione de sa giunta

[...] 3. In sos comunes cun populatzione superiore a 15.000 abitanes e in sas provìntzias sos assessores sunt numenados dae su sìndigu o dae su presidente de sa provìntzia, puru a in foras de sos cumponentes de su consìgiu, intre sos tzitadinos in possessu de sos rechisidos de candidabilidade, elegibilidade e cumpatibilidade a sa càrriga de consigieri [...]

Artìculu 64 – Incumpatibilidade tra consigieri comunale e provintziale e assessore in sa giunta rispetiva

1. Sa càrriga de assessore est incumpatibile cun sa càrriga de consigieri comunale e provintziale.
2. Si in casu mai unu consigieri comunale o provintziale leet sa càrriga de assessore in sa giunta rispetiva, sessat dae sa càrriga de consigieri in s'atu de su atzetare sa nòmina, e a su postu suo intrat a pustis su primu de sos no elèghidos.
3. Sas dispositziones segundu sos commas 1 e 2 non si àplicant a sos comunes cun populatzione finas a 15.000 abitanes.
4. (Comma gasi mudadu dae s'art. 7, D.L. 29 de martzu de su 2004, n. 80) Su còjube, sos abos, sos discendentes, sos parentes e afines intro de su tertzu gradu, de su sìndigu o de su presidente de sa giunta provintziale, non podent fàghere parte de sa giunta rispetiva ne èssere numenados rapresentantes de su comune o de sa provìntzia.

Artìculu 78 - Doveres e cundizione giuridica

[...] 3. Sos componentes sa giunta comunale cumpetentes in matèria de urbanìstica, de edilìtzia e de traballos pùblicos si divent astènnere dae esertzitare atividade professionale in matèria de edilìtzia privada e pùblica in su territòriu dae issos amministradu. [...]

5. A su sìndigu e a su presidente de sa provìntzia, e puru a sos assessores e a sos consigeris comunales e provìntziales est proibidu cobèrrere incàrrigos e leare consulèntzias in sos entes e istituziones dipendentes o semper e cando sutapostos a su controllu e a sa vigilàntzia de sos comunes e provìntzias relativos. [...]

TORRADU A CRAMARE s'art. 2 comma 1 de sa lege regionale n. 4 de su 22.02.2012 e mm.ii.ii., in cunforma a su cale in matèria de cumposizione de sas giuntas comunales, in sos comunes de sa Sardigna su nùmeru de sos assessores comunales non devet èssere superiore a unu quartu, aturundadu a manera aritmètica, de su nùmeru de sos consigeris comunales, contende a tale iscopu su Sìndigu;

PRETZISADU chi in òrdine a sa modalidade de càculu de su nùmeru de sos assessores, in su casu chi siat netzessàriu protzèdere a s'aturundamentu, issu devet èssere aturundadu pro etzessu si sa parte detzimale est superiore a 5 e pro difetu si paris o inferiore a 5;

DADU ATU chi pro cantu pertocat su Comune de Romana su nùmeru de sos assessores est gasi determinadu:

nùmeru consigeris/ (cumpresu su Sìndigu)/4, duncas $11/4=2,75$ chi, aturundadu pro etzessu detèrminat unu nùmeru de assessores paris a 3;

BIDU prus in generale su Titulu III, Capu II, de su D.Lgs. 18 de austu de su 2000, n. 267 e sas normas integrativas imbenientes cales su D.L. 13 de austu de su 2011 n. 138, su D.Lgs. 31 de nadale de su 2012 n. 235 e su D.Lgs. 8 de martzu de su 2013, n. 39;

BIDA sa lege 23 de santandria de su 2012, n. 215;

BIDU su d.p.r. 16 de maju de su 1960, n. 570;

BIDU s' Istatutu Comunale;

VALUTADA s'inesistèntzia de sas càusas de incandidabilidade, incumpatibilità e incunferibilità dadas, in cunforma a sas normas subra torradas a cramare;

NÒMINAT

Sa Seg. **VALERIA SOLE**, nàschida in S'Alighera su 06.03.1982, residente in Romana in carriera Sardegna n. 3 A, componente de sa Giunta Comunale cun dèlega de sas funtziones relativas a sos ufizios e servìtzios sighentes: **POLÌTICAS FAMILIARES E SOTZIALES, ISTRUZIONE PÙBLICA.**

De sa nòmina presente, comente rechestu dae s'art. 46, co. 2, de su D.Lgs. 18 de austu de su 2000, n. 267, at a èssere dada comunicatzione a su Consìgiu Comunale in sa setziada imbeniente.

Dae sa residèntzia comunale, 29.10.20200

SU SÌNDIGU
Dot.ra Lucia Catte

Pro su de atzetare de sa càrriga

S'ASSESSORE VALERIA SOLE

Atestazione estremo de publicazione

Si atestat chi su provvedimento presente est istadu afissu in s'albu pretòriu sa die 29.10.2020 e chi dae tale data at a èssere in publicazione pro n. 15 dies a fila.

Su Segretàriu Comunale
Dot. Giancarlo Carta

Traduzione de s'operadora des'isportellu linguisticu de Romana
Maria Leonarda Correddu